



Republika e Kosovës – Republika Kosova
Paneli Zgjedhor për Ankesa dhe Parashtresa
Izborni Panel za Žalbe i Predstavke

Anr.8/2021

Paneli Zgjedhor për Ankesa dhe Parashtresa (PZAP), në panelin e përbërë nga gjyqtarët: Zyhdi Haziri kryesues, Ferki Xhaferi dhe Adnan Konushevci anëtarë, duke vendosur lidhur me apelin e parashtruar Gite Gjokaj nga Zvicra, paraqitur kundër Komisionit Qendror të Zgjedhjeve (KQZ), lidhur me mos përfshirjen në listën përfundimtare të votuesve jashtë Kosovës, për Zgjedhjet Lokale në Republikën e Kosovës që do të mbahën me datën 17 tetor 2021, në seancën e panelit të mbajtur me datë 25.08.2021, mori këtë:

V E N D I M

Pranohet i bazuar apeli i ushtruar nga Gite Gjokaj nga Zvicra i paraqitur kundër KQZ-se për shkak të mos përfshirjes në Listën Përfundimtare të Votuesve Jashtë Vendit për Zgjedhjet Lokale në Republikën e Kosovës që do të mbahën me datën 17 tetor 2021, dhe **Urdhërohet** KQZ-ja, të përfshijë apeluesin në Listën e Votuesve Jashtë Kosovës.

A r s y e t i m

Me datën **22.08.2021** PZAP-i ka pranuar një apel nga Gite Gjokaj nga Zvicra, në të cilën pretendohet se me datë 21.08.2021, ka pranuar një email që kërkesa për regjistrim i është refuzuar me arsyetimin se nuk ka bashkangjitur kopjen e dokumentit shtes të letërnjoftimit. Ka bashkangjitur formularin e ankesës, formularin e aplikimit për votim jashtë vendit, si dhe kopjen e pasaportës së Republikës së Kosovës.

Përgjigje në ankesë ka paraqitur KQZ, me të cilën pretendon se: ushtruesi i ankesës ka paraqitur vetëm aplikacionin për regjistrim, duke mos dëshmuar as kriterin e identitetit dhe as kriterin ligjor për tu përfshirë si votues në listën jashtë Kosovës. Gjithashtu ka theksuar se aplikacionin e ka dorëzuar me datë 18.08.2021, në orën 22:33.

Paneli pasi që shqyrtoi apelin konstatoi:

Apeli është i bazuar

Paneli, konstatoi se provat e bashkangjitura nga parashtruesi i apelit, saktësishtë pasaporta valide e Republikës së Kosovës, janë dëshmi të mjaftueshme për të vërtetuar se i njëjti në kuptim të nenit 5.1 të Ligjit për Zgjedhjet e Përgjithshme/Lokale (LZP), i plotëson kushtet për tu regjistruar në Listën e Votuesve Jashtë Kosovës, prandaj në bazë të nenit 118.1 të LZP-së lidhur me nenin 10.7 të Rregullës Zgjedhore nr. 2/2015, PZAP-i vendosi si në dispozitiv të këtij vendimi.

Paneli Zgjedhor për Ankesa dhe Parashtresa

A nr. 8/2021 më datën 25.02.2021.



Këshillë Juridike: Kundër këtij vendimi është e lejuar ankesa në Gjykatën Supreme të Kosovës, në afat prej njëzetekatër (24) orëve nga momenti i marrjes së vendimit nga PZAP-i.